

春煙淡蕩青山媚行雲亂飄空界花光石潤秀出洞天奇恠戶  
牖平高萬丈盡耳目臨風一快多生浩劫塵情曠朗渾無纖芥  
堪愛逍遙自在疎枷鎖拋離業根冤債風隣月伴道合水晶  
牙賴無限崢嶸勝景盡賜與山堂教賣千乘寶珠酬價問君誰  
解

無愁可解

三子真人

古往今來多憂少喜消化太平難值幸逢聖賢出世布道德談  
羅天地上界真人權下世御萬國不勞神器中外偃武修文敬  
賢尙德致清平瑞 何以上答天恩佳時念因循等閑虛費要  
先崇儉約務飽暖不貪名利向立門求奧祕戒嗜慾保安和氣

道藏輯要

鳴鶴餘音

卷

黃集八  
四三三

更心上物物頭頭放下乃得免人間累

木蘭花慢

本輕清體妙湛然獨與天游爲透入凡胎五行圈圍四大拘囚  
窮年執迷不悟認聲色虛幻故延留元舊仙鄉道域咫尺天地  
逍遙 欲求返本還元誠只在自心頭但默默精思時時探索  
必取功收虛空忽然粉碎盡來生業障一齊休振袂蓬萊闔苑  
不愁弱水無舟

自樂

醉時節就把青山靠醒來時興取瑤琴操操的是鶴鳴九臯水  
色清山色近迤然閒自樂 俺也一如歸闔苑登蓬島且恁底